

Broj: 01-04-13-00313/2025

Datum: 11.02.2025.godine

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM

n/p- predsjedavajući Dragan Mioković

veza vaš akt br. 05/1-02-2/25 od 07.01.2025.godine

n/p – zastupnik Sanel Kajan

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BIH  
GENERALNI SEKRETARIJAT VLADE

n/p- generalna sekretarka - mr.sci. Edita Kalajdžić

veza vaš akt br. 03-04-29/2025 od 10.01.2025.godine i veza akt br. 03-04-29-1/25 od 20.01.2025.godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primijeno: 12-02-2025			
Org. jed.	Broj	Priloga	Vrijednost
05/1	-02-	2	125

**PREDMET: Odgovor na zastupničku inicijativu- zastupnik Sanel Kajan, dostavlja se**

Poštovani,

Federalna uprava za inspekcijske poslove zaprimila je dana 13.01.2025.godine, akte gornji brojevi, koji se odnose na zastupničku inicijativu, koju je podnio Sanel Kajan, zastupnik u Predstavničkom domu Parlamenta Federacije BiH.

Naime, uvaženi zastupnik se obratio Federalnoj upravi za inspekcijske poslove sa inicijativom da mu se odgovori na nekoliko pitanja, vezano za provjere djelovanja JP „Mostar bus“ Mostar, kao i za utvrđivanje nepravilnosti vezano za poštivanje režima saobraćaja u dane vjerskih praznika:

- Na osnovu koje Odluke je JP Mostar bus odlučio da ukine sav javni prevoz nedjeljom i da autobusi ne saobraćaju tim danom?
- Na osnovu koje zakonom utemeljene Odluke je JP „Mostar bus“ odlučilo da promjeni režim saobraćaja za vjerske blagdane ( u slučaju katoličkog blagdana „Sveta tri kralja“?)

- Na osnovu koje zakonom utemeljene Odluke su izmijenili režim saobraćaja za praznik „Svetog Stjepana“?
- Na osnovu koje Odluke su izmijenili režim saobraćaja za praznik „Svi svete“?
- Na osnovu koje Odluke su izmijenili režim saobraćaja za praznik „Velika Gospa“?
- Na službenim stranicama JP „Mostar bus“ Mostar, nalazi se prilagođen raspored polazaka, gdje je izostao, pravoslavni Božić, a nije bio ni Lejletul-regaib 2025, kao ni Lejletui –kadr ( kad se već pozivaju na vjerske blagdane).
- Zastupnik traži da mu se dostave svi datumi, na koje je JP „Mostar bus“ Mostar, odlučio izmijeniti režim saobraćaja, i na koje praznike /blagdane se to odnosilo, te na osnovu kojeg zakona je to urađeno?

U svom obrazloženju predmetne inicijative, uvaženi zastupnik Kajan podsjeća da je „Mostar bus“ Mostar javno gradsko preduzeće, i da je nedopustivo favorizovanje bilo koga na štetu drugih. Također, naglasio je da se ovo preduzeće treba vratiti u okvire sekularnosti javnih ustanova, jer tako nalaže Ustav ove države, kao i Ustav Federacije BiH, ali i propisi nižih nivoa vlasti.

U pripremi odgovora na zastupničku inicijativu i postavljena pitanja, učešće je uzeo Federalni saobraćajni inspektorat, te se u nastavku očitujemo o stanju utvrđenom u inspekcijskom nadzoru.

Dana 20.01.2025.godine federalni inspektori za cestovni promet, postupajući po predmetnoj zastupničkoj inicijativi, izvršili su inspekcijski nadzor kod privrednog društva „Mostar bus“ d.o.o. Mostar, na adresi Bišće Polje b.b. Mostar, kojom prilikom je utvrđeno slijedeće:

- JP „Mostar bus“ d.o o. Mostar obustavio je javni prijevoz nedjeljom od 22.12.2024. godine, na svim registrovanim redovima vožnje, po usmenoj odluci rukovodioca (inspektor u postupku inspekcijskog nadzora utvrdio da subjekt nadzora ne posjeduju Odluku u pisanoj formi), što je u suprotnosti sa odredbama čl. 23. Zakona o cestovnom prijevozu FBiH („Službene novine FBiH“, broj:28/06, 02/10, 57/20 i 44/22).
- Za vjerske blagdane: „Svi sveti“, „Veliku Gospu“, „Svetog Stjepana“ i „Sveta tri kralja“, inspektor je utvrdio da nije obavljan javni prijevoz putnika na registrovanim redovima vožnje i to: 1,2,5,14,28,29 i 30, a ostali registrovani redovi vožnje su održavani.
- Za vjerski praznik „Lejletul-regaib2025“(02.01.2025.godine) svih 16 linija je održavano kao red vožnje subotom,
- Za vjerski praznik „Pravoslavni Božić“ i vjerski praznik „Lejletul-kadr“ su vožene linije kao i svaki radni dan.
- Kontrolisani subjekt nadzora ne posjeduje odluku o obustavi prijevoza za nedjelju i izmjeni režima saobraćaja za vrijeme vjerskih blagdana, niti je o istom obavješten organ koji su izdao redove vožnje.

Imajući u vidu da je nadzoru utvrđena povreda odredbe člana 23. Zakona<sup>1</sup> o cestovnom prijevozu Federacije BiH („Službene novine FBiH“, broj: 28/06, 02/10, 57/20 i 44/22), za utvrđene prekršaje postupajući federalni inspektor cestovnog prometa, pokrenuo je prekršajni postupak.

Također, Zapisnik o inspekcijskom nadzoru od 20.01.2025.godine, postupajući federalni inspektor za cestovni promet će uputiti gradu Mostaru, konkretno **Odjelu za gospodarstvo, komunalne i inspekcijske poslove, službi za komunalne poslove i okoliš**, koji je **odobrio** važeće redove vožnje, na upoznavanje i daljnje postupanje.

S poštovanjem,



Dostavljeno:

- 1 x predsjedavajući Predstavničkog doma Parlamenta FBiH-Dragan Mioković
- 1 x zastupnik – Sanel Kajan
- 1 x generalna sekretarka Vlade FBiH- mr.sci. Edita Kalajdžić
- 1 x a/a

<sup>1</sup> Zakon o cestovnom prijevozu FBiH -član 23.“ Prijevoz putnika u linijskom cestovnom prijevozu može se obavljati samo na temelju i sukladno registriranom voznom redu, odnosno s izdatom dozvolom za prijevoz“.